

孫徵君日譜錄存

擇徵君日譜錄存卷之十

順治十四年丁酉七十四歲

後學

永年武汝清

校訂

武陟王 翰

元日

在舊世致世金程監刊

定家祭儀注

禮云未營宮室先建祠堂力不能營宜掃除一室以  
妥先靈昔家寒素先祠一楹雖值顛隕五十年  
來未嘗廢廢者人今久離即壘兼之萍心未定蘋  
藻難興中夜趨即次稍安移先位於斯室  
庶朝夕得依靈爽凡我子若孫入廟思敬不待病

日誌  
卷十  
夫之告教因貧冀輒遂不能復古大禘祭先之禮酌立廟餼願身先之爲一家倡總將不自安之念不敢以爲世之論禮也

晨起梳沐後入祠三揖自入小學便不可廢

朔望焚香拜

元旦昧爽煮茶因拜四仲月用分三日各設祭行四

拜禮令子孫供執事

凡佳辰令節寒食寒衣皆拜設時食

忌族散食序子孫素食不宜享客

有事出則焚香拜歸亦如之


吉慶事卜期設祭

兒女婚姻焚香以告生辰彌月設食以獻

新婦廟見設祭主婦率之行禮

凡祭婦人另行禮各如儀

初二日

友人論詩  陶公久矣占高秋在匠時賢拜兩頭杜

老升堂揖二仲劍南陸子雷溪劉

初三日

客問關聖帝君何以爲伏魔大帝不幾於幻乎曰請  
以理諭之人有恒言道高一尺虛高一丈學世

時不有魔無人不有魔人盡在魔中而人不覺以  
以魍魎當之謬矣妄爲眞之魔妄淨而眞始見欲  
爲理之魔欲去而理始存有人焉覺此念之爲妄  
也欲淨妄而妄愈熾覺此念之爲欲思思去欲而  
欲愈張蓋道心微而人心危微難著而危難安精  
一執中虞廷所以伏魔也或憂懼三魔橫行今古  
惟知始能伏或魔仁始能伏憂魔勇始能伏懼魔  
而知仁勇甯幾何人止爲周之魔同爲利之魔騎  
爲秦之魔視聽言動非禮爲視聽言動之魔喜怒哀  
哀樂失節爲喜怒哀樂之魔臣不忠爲君之魔子

不孝爲父之魔妻不順爲夫之魔誰其知之而誑  
其伏之非陽剛中正之人未有不陷於魔中者關  
帝生不信義足色其言曰日在天之上心在人  
之中太陽當極魑魅魍魎自當退舍能素掃除廓清  
之功須陽剛中正之人帝以陽剛中正之人而爲  
陽剛中正之神切願以其盡一心之魔者盡舉世  
之魔則神之功力過矣哉

初四日

述前意 一尺道高一丈魔平生功力此中磨魔之  
盡處復何事雲淨天空見太和 妖妄廓清奏凱

歌甲兵盥洗挽天河清甯天地仍如此莫教無風  
再起波

初五日

郭公望問家祭之禮欲合族人歲一舉行及遠祖恐  
其僭不及遠祖何以合遠族曰秩得配四世者則  
奉高曾祖考而止然冬至祭始祖立春祭先祖謂  
始祖以下之祖高祖以上之祖何嘗謂遠祖遂不  
當祭祭義久廢悖睦無人酌而行之不妨稍爲通  
變慮其僭禮而寧甘廢禮豈禮也哉

初六日

郭駉臣迂熙駿臣遇熙奉其父命來從學予謂之曰  
師云友云爲其以道義相切劘也離道義無師友  
之事離道義無師友之言師友因學而立名學因  
師友而成德不知學惡知師友

初七日

問始祖坐西嚮東左昭右穆禮固如此然廟南嚮而  
始祖居西偏不幾於褻乎曰此禮自天子諸侯而  
下皆與焉廟與門自有定制士大夫家無專廟僅  
宜其堂室而設始祖位於西亦猶行古之道也能  
舉行於廢墮之後便得追遠之意予來蘇門八年



矣賀景瞻有志復古而猶有謂其迂不中情亦苛矣

初九日

會心亭賞梅有引歲前會心亭主人相邀因與梅花有夙盟也時以俗牽不及赴寄囑花神爲我留香今臘梅欲盡而紅梅初發冬春佳景惟梅占盡憶去年來遊曾有句今再展之可爲永例

紅梅初放臘梅收一歲幽馨占兩頭有始有終誰得似繁華閱盡飽經秋

十三日

李奕情話夜 一室悠然天地寬  
春新啟暮雨盤桓  
鷄鳴旦晝元無事  
莫把清甯心外看

十四日

偶書 太極流行物物中  
豈殊南北與西東  
於斯无碍復何碍  
如是能通始得通  
教自有分休強合道  
元不異將誰同  
閑來清理絲頭緒  
雲水千層總一空

十五日

入夜 此夜何人不勝遊  
閑門亦豈爲耽幽  
少年見慣  
潭闌事笑問諸君與未休  
習俗移人莫自持

此中雅俗有誰知一分俗去一分雅設謂道人語  
又疑

十八日

客會三首有月自元日至今夕非作賓即作主雖有  
名酒病不能多飲聊爲歡以娛此暮年耳性不  
愛俗客日日客到門性不喜俗三時時飲用尊誰  
謂皆雅人相接氣俱溫禽魚歡新舊老幼豈厭煩  
談諧理偏中飲食味所存入塵不見塵大化從此  
敦但取娛老懷雅俗奚足論

隨俗卽是俗耽雅亦非雅山水誠佳事祿與濁流夥

笙歌悅耳目，簞笠留朴野。濃淡兩不著，物物歸陶  
治。民存三代直，事黜五伯假。人棄不妨取，人戀不  
妨捨。昏聩乏過識，日夕悅杯竿。

十九日

寄孫太公 向於薛行老樓頭得贈通龜侯，忽八年  
矣。漂泊浮踪，聾聵自廢，前與行老約飲鼓短笛，迺  
單懷一遊，登晤尚有日也。茲有言者，紹開以篤實  
君子壯年，遂作古人旅櫬，既不能歸，母老倚門，倚  
閭聞此，凶耗腸斷，心傷餘生能幾。況家業蕭條，獨  
有一從子，與其婿，費昌天者，度晨夕，此段景况，聞

者悽惻君至誠長者想不能不在臆念間也又竊  
澤令朱君被地方士民甚德之爲去後之思其子  
弱冠徒步數千里來訪其父共人高其誼題詩盈  
卷是父是子令人敬而愛之今曉聞歸粵因隸平  
樂公編氓思一見顏色遺跡之教得之過庭有素  
值此使鴻翁臺想不待傳語報平安也紹開母老  
而無依應動仁人之惻憫於家報中煩囑紹拂更  
見長者施恩於不報耳小刻答問一種雖老老腐  
言敬以質大道

予友一刻感應篇一刻功過格其意皆主於勸善有  
人焉誣之曰非聖人之道爲善不求人知一有求  
知之心便是近名與閑談之體絕不相肖予曰感  
應者以鬼神佐君相者地功過者先福禍而自治  
者也意固不謬於聖人易云積善之家必有余慶  
積不善之家必有余殃書曰作善降之百祥依不  
善降之百殃詩曰福福無不自已求之者六經之  
中此類甚多訓世之言因人設教此特就經言而  
闡發詳說啓佑顓蒙其心更苦耳使當大道爲公  
之口易知簡能興仁興讓則此說爲贅矣慨小說

雜傳即俚穢惡有害於人心風俗者種類浩繁人  
卻不厭何如觀此而令賢愚好醜共異爲善之思  
乎君子莫大乎與人爲善道愈高者辭愈緩深得  
孟子覺世之意

二十一日

十隱逸傳序 余幼而讀書妄意當世之務迫四十  
五十無閒志不獲騁而良圖弗集念遠中困遂取  
皇甫遵阮孝緒置選薛應旂所編高士傳讀之欣  
然有會錄與許敬陵而下數十人焚香晤對亦師  
亦友竊慕爲太平無事之民京國之樹欲修再斯

差不可增舊願與時違故國既難久安遂攜幼過其  
城之野得交公望氏士標商考古昔逸士公望另  
開手眼以不謬於聖人隱居求志行義達道者爲  
則蓋所謂龍德而隱者也德爲龍或飛或躍或潛  
時固不同總之此龍德耳所取僅七人分四科曰  
周茂叔邵堯夫傳之一郭林宗陳太邱傳之二管  
幼安陶元亮傳之三劉靜修傳之四大過各有時  
人各有志公望願觀上下而有麟鳳松栢之歎以  
余觀之古今邈矣有道仕無道隱何代無高人逸  
士廉頑立懦而獨取此七人爲合孔氏之隱蓋亦



其志之所存也。魯論孔氏之書載楚狂丈人晨門  
荷簣屨封沮溺之流其下車反見各有情節此七  
子者孔子之所謂隱者也。然非孔子志之所存也  
安所取焉而書之。予嘗竊思其義孔子東周之志  
太熱而七子忘世之心過冷。七十二君不用卒與  
羣弟子修明六經歸老洙泗之上俾天下後世見  
其志夫亦各有所取焉。爾公望前有八俊傑傳余  
爲序。今有七隱士傳余復爲序。俊傑而奚止於八  
人也。行義達道仁覆天下者乃八人也。隱士而奚  
止於七人也。七人乃隱居求志天下歸仁者也。求

志者求其仁行義者行其仁此孔門用行舍藏之  
旨孟子謂禹稷顏子易地皆然八修七隱士亦  
所謂易地皆然耳今有人焉樵西山釣東海攜手  
雲林舍公望孰與歸

二十二日

戒營二首有序求多心憂思煩神亂暮年尤宜戒之  
故作此詩 人生百歲內日日事營求爲謀止一  
飽夢寐慙衾稠所以古至人不惑亦不憂飯糗將  
終身五月可披裘有酒便且酌客至任去留機忘  
自閒靜吳越可同舟語憶裴晉公行止與天游

少壯甯幾時倏忽七十四尋墮作家翁疏食罄殘  
齒齋端宿白雲坦坦幽人履立善不必欣但無雜  
念累苦吟我未能多慮亦復忘任運一何心流行  
而坎止大治無私情森著有妙理

二十三日

復耿太照 千餘里來篤念先德而敦睦族屬者僅  
見之效藝堂主人而張一能忍耿君批紙其分量  
又自不同矣所委家訓序稍暇報命祇兆令弟雖  
未識面已識其心倏忽作古殊深婉惜令姪定能  
世其業附布眷懷之私聊當積厚之薦

中在父子有兄弟有夫婦詩人以妻子好合兄弟  
既合而得父母之順此最卑邇之事而實至高遠  
之事予讀宋史太平興國二年三月詔旌貝州清  
河民田祿門閭以其十世同居故也七月金鄉縣  
民李光義十世同居詔旌其門清化元年詔貸江  
州義門陳莚粟九世同居長幼凡七百口上下嫗  
睦人無間言賜寶初嘗免其徭役至莚嘗苦乏食  
知州康諷言於朝詔本州每歲貸穀一千石予嘗  
聞齊家之難難於治國平天下不知諸君子何道

**史冊中述此事甚多每欲彙一帙以示勸**

史冊中述此事甚多每欲彙一帙以示勸

太康耿君太熙兩攜其孫曾過予亦六世同居者  
家有效藝堂

二十四日

復鄴守宋艾石 溢水事因舊會調停其父子兄弟  
之間今潰裂至此生死在念不容忍默敢以質之  
蓬元先生轉達記室不謂臺仁虛懷太甚鑒某愚  
衷且欲下陳蕃之榻此誠豈敢望之今人哉

二十五日

或問老人自處之道應如何曰節飲食省思慮曰飲  
食之節卻無難事思慮朋從如何得省曰靜坐觀

心候念起時或理或欲難欺獨知如其是欲則窮  
究其根於何生源於何發無非以聲色貨利爲著  
落則急提吾本來面目之往令他係主推求攻泊  
不遺餘力則私欲未有不退聽者一分欲去一分  
理存欲盡去而理盡還思慮不期省而自省矣適  
友人送百誠圖索題予曰誠者不二之理一而已  
矣如何百百之云者無念無事而非誠也日積月  
月積誠總一誠也少而壯壯而老總一誠也誠則  
無妄何別從之可言則存誠者又省思慮之本也  
故曰天下何思何慮

二十六日

與崔竹湄儀封治狀度乎追古循良以治民者獲  
上上獲矣益得以治民縱有難事如河決等項時  
勢使然第殫心力爲之自有頭緒豈可畏難自阻  
灰作事之心井未及泉終是棄山須一簣始爲成  
吾大勉之

二十七日

或謂道不可須臾離法更不可須臾離人盡在道外  
道無如人何猶恃有法以繩之俾知懼焉如無法  
則淫亂暴戾殺戮曷極予曰法當其罪法亦道也

從來淫刑以逞漏網者偏多姦凶入網者偏多良  
善民無所措手足正坐此春秋夫子之刑書也用  
以懼天下萬世之爲亂臣賊子乃所以教天下萬  
世之爲忠臣孝子離道而言法吾不知之矣

二十八日

過郭公望多景樓新鄉諸君各招飲索堂扁

三十日

任光瑩索書齋聯  
善氣迎人靜對聖經暨賢傳素  
心照物開披晉字與唐詩

二月



初一日

爲郭熙侯題慕遠室聯  
未竟斯功須寡過欲成其  
是在知非

初二日

孟善長諸公過草堂訂四老社

初三日

世德堂聯楊馨玉  
佑啟後人垣墉樸斲規模遠於  
昭前世翹葉盟梅咀味長

初四日

垂裕堂聯周顥承  
謀國無私藤署有懸金鏡色傳

家有訓槐庭復惹玉爐香  
吏部有古藤或稱藤署云

初五日

爲任光璧聯壁題孝友堂聯 德亦庸言亦庸不難

日用常行內仁之實義之實直造先天未畫前

人知孔子有四友不知又有六侍志意不立子路等

儀服不修公西華侍禮不習子貢侍辭不辯宰父

侍亡忽古今顏回侍節小物冉伯牛侍曰吾與六

六子白鴈也夫孔子大聖人豈果借屬於六子哉

盥一勺水一撮土無不可仰助高深彼予知白鴈

者皆未聞於孔子也同由賜既列四友復爲六侍  
見孔子樂取人爲善之意

初六日

家祭 春分家祭庶羞陳童稚重添一輩人學語未  
成知學禮先靈應喜羽毛新

十二日

問曾子啓手足之際曰吾知免夫所免者何事子張  
臨沒曰吾今其庶幾乎所庶幾者又何事也曰二  
子素領朝聞夕可之訓至此日而方若有解免夫  
者免於毀傷庶幾者庶幾不惑於死生之說莊周

云善吾生者乃所以善吾死二子雖終有惺悟心  
無散亂心所謂以善生者善死耳此段公案要人  
參得圭峯老人云作有義事是惺悟心似無義事  
是散亂心散亂由常轉臨終被業牽惺悟不由情  
臨終能轉業卽名教語豈有異耶

十三日

立身之道須清心清心之要在寡欲欲寡則神閒志  
靜容色辭氣之間自與紛逐者不同或曰其爲人  
也寡欲雖有不存焉者寡矣其爲人也多欲雖有  
存焉者寡矣寡欲以前功夫當如何用曰學問思

辨以存吾誠而已矣

十四日

立德立功立言總之以氣爲主氣猶水也水盛則物  
之巨細無不承載不竭不涸務自己達若無氣則  
奄奄如泉下人其生也已朽矣

十五日

太凡言者之情皆所以致吾愛愛其德者圖其改變  
其事者顧其成愛其用者珍其器其人也必寬平  
碩大優厚之君子若下急禍躁之小人則詞多許  
而語多毀藝如市兒相詈祇自供刻薄殘忍之隱

而人已早見其肺肝矣

十六日

或謂宋隱上种放簡可述而後不足稱也予曰何言  
曰初隱終南講習爲業資以養母宋惟幹言於朝  
遣使召之其母嗔爲人知不得安處悲甚放乃初  
疾其母盡取其筆硯焚之轉居窮僻人迹罕至後  
以張齊賢薦至京師幅巾入見賜坐詢以民政邊  
事放對曰明王之治愛民而已惟徐以化之餘皆  
謙讓不對即日授官賚予甚厚明年請暫還山許  
之後數朝京廟東封西祀無不贊述飾輿服置田

長安時論鄙之予曰放值宋室盛時何必一意求  
隱其隱也從母志也暨奉召入見賜坐承顧問亦  
可謂一日之泰交以素與其徒所請之學因事約  
忠悉心以陳有何不可而謙讓不對東封西祀絕  
不聞出一挽回補救之語受官受賜優游自適是  
討便宜人非知學問人也果知學不必隱不必不  
隱當自有道在

十七日

從來有一件好事未必能提攜多人有一件不好事  
卻足牽送多人宋室祥符中凡有大禮輒奉天書

以行王欽若欺罔之罪不容誅寇準王且豈不貽  
笑且臨終語其子曰我別無遺憾不諫天書一節  
其過大矣我死之後當削髮披緇以檢噫雖悔何  
及且長處甚多故於此爲惋惜

士大夫投謁一事所關名節甚重故甯令人訝其不  
來莫令人厭其不去祥符中王且偕宰相張師德  
兩詣其門不得見且語人曰師德名家子有士行  
不意兩及吾門狀元及第榮進素定當靜以待之  
若復奔競使無階而入者當何如也明道初李至  
還朝關門祇候李康伯謂曰舜工文學議論稱於



天下諸公欲用爲知制誥但宰相以未嘗相識豈  
一任見之垂曰我若首謁丁崖州則乾興初已爲  
翰林學士矣今已老大見大臣不公常欲面折之  
焉能迴炎赴熱看人眉睫以冀推挽乎道之不行  
命也

十九日

中世士大夫以官爲家無官是無家也寂寞鬱悵恒  
情皆然呂蒙正罷相太宗謂左右曰蒙正布衣朕  
擢爲相今退寂寞想其目望穿復位矣左右希旨  
謂爲然且以爲愛正也錢若水對曰蒙正雖驟登

顯貴然其風望不爲忝目人品崇重可有寂寞不  
聞其鬱也况若穴高士不求榮達者甚多唯若  
臣輩苟且官祿不足以自重耳若水可謂自愛以  
愛人者哉

二十五日

士君子當用窮賤塞之日須具一段陽剛之才堅忍  
之性方能移禍爲福轉敗爲功不然有載胥及溺  
耳故否之上九則能傾否屯之上六則不能變屯  
也

二十六日

或問經書中何語最爲親切曰不爲酒困戒之在色  
戒之在鬪戒之在得曰明德修道精一執中最多  
體要之言額不重耶曰嗜酒冒色貪財負氣之人  
所關心術行檢甚大此之不愆德於何明道於何  
修人心之危危於此道心之微微於此於此致精  
於此致一於此執中孔聖人之所難者我等莫視  
之太易也曰孔子學易之功從何處著手曰持此  
三戒不困於酒便是學易實際處

二十八日

爲高太需人作誌銘

三十口

爲韓處士作銘

三月

初一日

報高似斗少司馬 人生無甯存不老之理聖賢所

貴者生願而沒甯耳太君享上壽善積有慶生榮

死哀天固以報母氏之德正所以慰孝子之心節

哀保重以襄大事僕區區千里外相關之情也誌

文殊屬草率恐愆葬期不敢稽延使者勿復不備

報韓子新 海內十年求識面蘇門一見即傾心此

誼自不草草第以挾艱情迫不敢久稽所委誌文  
敬與願菴參酌報命因素未識荆恐失真也不盡

初二日

父母之於赤子無一件不是養志人子於父母只養  
口體此心何安無諭慈父慈母卽三家村老嫗養  
兒未有不心誠求之者故事親若曾子所以僅稱  
得一箇可字

事親之念不純少艾妻子得君之念爲之中移千古  
所以鮮孝子事君之念不純曰身家曰爵位曰權  
勢曰恩怨曰名譽身家爵位之念在己人權勢之

人思怨名譽世之  
有一於此而以誥純臣難矣

初十日

望兒至 爾從故園來得悉故園事族黨清安伏  
臘獨同饌墓門一片石於焉得所冀照我二親穴  
有子不及親念之神爲傷輟輟不能寐兒代我爲  
予我於乎道愧

十一日

薦馨除名有詩二十首寫懷 明看除夕除名詩此  
意惟應高子知半世功名成底事除名卻是成名

時

十三日

北來人道陳國真近况 甚憐陳仲子懷抱向誰開  
涕笑俱不敢十年志幾灰

十五日

舉曾孫 靜生思先德慈仁裕後昆慙予何足似曾  
祖抱曾孫 先大父六子十八孫曾孫已四十六  
元孫已倍之矣 先府君四子十二孫曾孫已十  
一元孫已五子不肖子六人孫已六曾孫已二

日譜錄存卷之十終

孫徵君日譜錄存卷之十五

順治十六年己亥七十六歲

正月

後學

壬午武安清校訂  
武陟王 翰

初一日

世孫徵士孫金桂  
鍾二孫容翳

四書近指上孟子起

初七日

與李霖九 弟嘗謂風俗之厚士君子與有責焉就

蘇門論史稱姚許化民成俗夫所謂化成者必其

興孝與弟興仁興讓者也以觀今日民猶是民俗

猶是俗而化未成者無姚許其人故耳弟輩衰朽



腐儒有姚許之心無姚許之力老親翁則心與力  
而俱足者也兩河士子皆公門桃李弟數年來聞  
此中人士莫不極稱冰鑑凡素在提拔各切知己  
之威所遠延而未肯輕謁龍門者因試士之體厚  
肅諸生自不敢以譏見昨聞公望一六兩生承延  
款兩河士願願向風老親翁一鼓舞提撕之此中  
前輩理學經濟俱稱有人今之士猶昔之士也其  
所成就豈姚許當年一方一隅者比耶此日今第  
一美事老親翁可優爲之弟輩不能也老親翁非  
不能也不爲也情知愛之深不覺言之至此

十五

賂李國華蘭上林 共城春色與時新殊愧深山老  
病身未詣三千餘歲事徒感七十六年人逢君雙  
美襟期遠飲我連宵氣誼真靜對有懷相視笑乾  
坤此際覺非塵

李國華謂予曰某讀魯論而深有味乎鄉黨一篇予  
曰何言乎曰孔夫子千古神聖無兩人謂其爲天  
上人而鄉黨乃記其日用飲食起居語默絕不與  
人異千載下人始知夫子非神非奇庸庸言之  
人亦在鄉亦在朝庶不向天上日邊問行踪耳予

曰君真見夫子矣又云孟子一生學問只是要與  
民同之無論好色好貨好勇好樂只與民同便是  
王道予曰君真見孟子矣予向來讀論孟每舉此  
語以告同人人多信不及不謂君數言道盡易曰  
君子以朋友講習子曰群居終日言不及義友之  
損益分途正在此元宵日得此快談何樂如之因  
錄之以存一段佳話

二十四日

上孟近指完

二月

初二日

輔仁社試諸子 后以裁成天地之道輔相天地之  
宜以左右民先王以作樂崇德殷薦之上帝以配  
祖考與君子以嚮晦入宴息慎言語節飲食是一  
是二

十二日

郡伯朱石者顧我夏峰修其先人聲氣之好

十六日

贈劉公勇

有引

潁川劉公勇別七年矣前一日與同

人語次及之相思卽至可謂神合聯牀話夜情事

曠逸爲三絕貽之 共榻山城對月明劉郎高韻  
迥難賡閒將傑士論今古同父遷傳到止生 十  
年磨劍刃方新入世方知出世身海內故交零落  
盡卷舒千古讓何人 簑笠相將七十餘太行深  
處結茅廬待君治定功成日訪我雲林好讀書

三十一日

不孟近指完

三十二日

答郭公望 昔人絕種至有鄰移之者則柴桑之高  
儔得解意之主人而未聞生享授公如弟者也弟

踪跡不類古人而老氣翁之與未可傷惠來使復  
切致主人之命不容請辭暫所仍斷面請

三十三口

薦馨歸里 予來蘇門十年矣薦馨之視予每歸依  
依不忍別戊戌之憂攜家來就有止而安焉之意  
薦馨性澹遠無俗好與此中山水有緣且此中人  
士無不慕悅而樂與之親者今來未幾即回展墓  
竊思古人貞不絕俗隱不違親予十年在旅竟未  
得一過邱壠能無愧與因不能與偕故於其行也  
爲書此語以誌吾意

二十七日

近指大學完

是日得書一則入取節錄續集一新鄉王仲立一

汲縣縣志

二十八日

爲朱石者作功過格序入歲寒二集

三月

初九日

樂陽子說

余季父女弟是爲爾之祖母又季弟女

兄之伯母爾祖以無端慘禍死於法爾父

叔似被陷爾祖母以殉義著節爾父母以婦羅家  
難仍返於室此爾家之沉寃異苦行路傷心而鬼  
神難訴者也爾以幼穉寄居外祖遂不及知今幸  
爾毋無恙爾父贖歸天心於爾似乎有意爾外祖  
命名存慧其操心危慮患深之意乎余謂慧必從  
德出則術知矣字以德生余與爾祖至戚莫逆每  
見爾爲之悽惻因爲之說

十二日

中庸近指完

十三日



與張甥 蒙養爲聖學之始他年成立業此時讀書  
發跡固其急務而事親從兄敦本尚實尤爲吃緊  
爾可以身帥之迎機而教勿躁勿忽要以涵養已  
之性情爲成就人之子弟學問之道思過半矣勉  
之勉之

十四日

是日清明同族屬長幼舉祀事各設考妣位附之使  
得各展孝思

十五日

范陽三子過厓夏峰因憶其王父有遺並序三子者

一馬一薛一李馬爲予姻友王壺君之孫薛之大  
父蓮紉李之大父謙所二君皆相善今棄世廿餘  
年追憶生平淋漓杯酒有荆高風撫其孫枝肱懷  
祖德口占二十八字 不述三人白下來名駒千  
里自英才故交零亂新硯發蘇嶺依然易水隈

十八日

輯古今學人語錄爲近指補遺是日起

二十日

寄談長益 於王翰明接見懷佳什已逾十年于元  
引父母接郵致手書又復四五年雖南北數千里

悠悠十餘年精神之通傳若比鄰猶如一日也伊  
時卽報函附施父母賁寄恨弟壘贖自廢息影深  
山無能鼓山陰之棹徒於暮雲春樹想見伊人顏  
色耳忽接手翰知取道衛源竊喜天作之合遂我  
輩風雨山川之願適弟在新興友人處遲之道左  
傾蓋之歡知己或有意乎即遣小兒往晤先道悃  
款愚公先生謨赤幘海內文章道德弟久拜下風  
當乙丙之際爲諸正人壘壘於舍親李文敏鹿忠  
節諸君子聲味投合尤出塵外藩使公家學淵源  
不敢仰塵世誼但授屢耕野列在輟民殘喘苟安

實遵明德韓子新自客歲北去音問杳然得聞近  
況殊慰翁藏若戊戌四月遊泉上聞與一親知把  
臂恨未識其人今不知遊止何地也叔夜翰明兩  
函收貯并謝鄙簡晤教在即可勝延跂

閏三月

初八日

陽武王君佐原武張天章徒步過訪夏峰 何繼二  
仲寄深情聯步從容百里程貌是今人心是古孤  
村濁酒月初明

是日許在竹同來從遊

十二日

翼渭公招飲 君家前輩誼何深曾恤椒山憂患殺

賊德由來垂令緒孫謨應自接徽音十年契託非

謀面此日杯歡欲問心續著西吳推第一故人有

子可拔襟 故人謂嘉善魏忠節也

十四日

跋椒山先生題梅軒子卷後 稿入歲寒二集

四月

初一日

署諭范財虛過訪夏峰 詳符人

初六日

陽武楊青菴淇縣杭行麓肱城郭贊之獲嘉賀蓬仙

同日過訪

滄州呂崑峰名金聲過訪夏峰惠詩

三韓林中瑤中璜各寄詩

初七日

聞之談詩者曰此道有三字訣曰難曰悟曰創於此

三字不解不足與言詩爲文亦然

初八日

詩文之道予原不甚解第見邇來談詩談文者信口

任臆略無虛公之意一言一字與已見不合者遂并其全集棄之無怪乎王安石詆春秋爲斷爛朝報歐陽永叔謂周易怪僻非周孔之書總之見周一隅不足窺大道之高深適以貽笑千古耳安石執拘不足論永叔文章行誼有宋傑出之士亦作此孟浪語耶願吾黨鑒安石永叔之失言莫肆雌黃以奪厚道便是學問縝密之處

初九日

暗張紫浚有序江左張紫浚名時余姻友茅止生友也止生棄世久紫浚之存亡顛踣絕不聞忽一

日公勇寄其歲暮懷人詩三十二首衰朽與焉其  
敘述之語盡得之止生古人重知己之言予何能  
忘情紫泥也紫泥往矣九原不可作爲一絕寄其  
弟屬伐令焚之墓門將予二千里掛劍之意江  
左名儒我所知燕南腐士爾何思青山埋骨遺文  
在情見懷人歲暮詩

初十日

楚楊天放國沛以詩論交易姓改名適公也時以句  
卽用其韻 天涯混跡一聞身怡似當年避世人  
君把釣竿三攜斧乾坤何地不生春



十五日

涇陽謂太極圖說元公之中庸也通書元公之論語也上下二千年間一人而已矣石齋謂濂溪安可比堯夫卷舒萬古興亡手出入幾重雲水身此處只有堯夫到得大凡人信其已通牴所不解事事皆然顧黃二公之論周邵亦各解其所通者而已後人亦不必開爭辨之端也

二十日

朱陸同異自陸子美開端朋剋濂溪無極太極爲老氏之學晦翁尊崇濂溪遂生異同其後子壽子靜

原本伯兄與晦翁格物致知之說爭源分流學者  
從之徑路愈分矣陽明格物之說既與晦翁左便  
與子靜合後學則聲議論紛紜同室之元黃未有  
已時此兩路人皆不遠於聖門之學正可相資爲  
用豈可相詆成讐天下事惟邪正兩家調停不得  
既是一家何不可相忘而其偕大道往者不可追  
已來者當其鑒之

著述之多莫過文公而接引後學之功亦莫過文公  
但其意既以開發鈍根爲事則其言平易質實遂  
有爲利根人所摘者文公資學兼到故晚年有誤

人之悔痛自懲艾此真夫子之所謂聞道也然此一聞也正從深造之後方有此豁然貫通衆物之表裏精粗無不到吾心之全體大用無不明蓋其實錄耳必欲以未聞道之言強合於既聞道之後是徒知尊崇文公卻失文公之心亦未見其爲聞道也

二十六日

近指補遺完

四書近指序

稿入歲寒二集

二十七日

訓范財虛 自然非近圖 不是慕沉淪 入俗追先達  
爲文見古人 世情多艱險 吾道久荆榛 相見甯堪  
脫憑君暮氣新

二十八日

訓楊天放 豈是孤懷賦 靜寄川原到處好停車  
卿徙衛名因著向子游 山家已疎舊國風滿楚野  
乘荒天烟雨愛吾廬 夏峰古木多荆棘 蓬徑類爲  
羊仲鋤

二十九日

午膳 十載何堪守舊廬 猶驚風雨到荆漁 非因避

建格就高枕老去慵心見客疎

緝甲申大難錄二編

五月

初一日

每到事有難處便覺神思昏惰氣意消阻此之咎在  
心體未透用功未純故有事與無事分小事與大  
事分體不足以運用而用每至於遇難果能深造  
自得常無此病痛

初三日

與執行麓語一則 行麓樸茂之質臨謹之操行年

六十而詩如進夙昔功力亦可見矣行麓自謂隨  
愛淵明與子美余謂淵明子美問道者也審直聖  
於詩詩不問道亦小技耳吾願行麓先究心二公  
之人再究心二公之詩

初四日

問說性者紛紛反滋淆亂請折衷於一以爲適從余  
曰書云若有恆性易云成之者性知成之者性則  
知若有恆性矣夫子之性相近子思天命謂性孟  
子性善與易書所云不符合之而自無不合亦無  
庸分之而自無可分也自茲偶論性者紛起於是

幸有氣質之性論氣質述不能無善惡而性之說  
反晦靜言思之惟皇降衷之初自純然一而善也  
一受於人清濁厚薄稟各不同豈復能完其元來  
之體君子盡所以事天之道以堅之自天也蓋所  
以立命之道以受之自我思儒者論性全是論復  
性功夫以爲變化氣質之用名教所是對症立說  
於聖賢亦非有疑讀者但不必泥其辭自生齟齬  
耳

初五日

爲李銘巽遺詩序

入夷集二集

初六日

靜修之言曰天生此一世一人而一事固能辦也蓋亦足乎已而無待於外也魚繁蠃蜺治濕氣而生於水麝香羚羊治石毒而生於山蓋不能有以勝彼之氣則不能生於其氣之中而物之與是氣俱生者夫固必使有用於是氣也猶朱子謂天將降亂必生弭亂之人以擬其後以此觀之世固無無用之人人固無不可處之世也味斯言也真超然自得火不能焚水不能溺於天何怨於人何尤

初七日



讀明季遺聞云闖賊擇日登極受朝賀庶吉士魏學  
濂死之濂固忠節公大中之子孝子學伊弟思先  
是濂遣間使走容城聯絡義旅冀得一當翼輔皇  
嗣既聞太子二王俱爲賊得知事不可爲遂就縊  
其絕命詞有云忠孝千古事於我只家風一死輕  
鴻毛臨難須從容有血灑微軀官卑非侍中有舌  
且存之并遜常山公因約同志友延頸受霜鋒不  
能張空拳與彼決雌雄不能奉龍種再造成奇功  
死且有餘罪何敢言丹忠所痛母垂白七十仍尸  
饗未葬凡五喪留與子姪封人生誰百年壽夭死

所同我比兄與弟我年獨爲豐高堂無復悲譬不  
生阿儂辭母卻就父生死猶西東骸骨雖不歸卽  
瘞此詩倚墓木有拱時清韻入秋松讀此未嘗不  
浩嘆而痛惜之也當倉卒生死之際爲從容暇豫  
之謀一瞬失之千古莫贖矣伊時孫繩甫父子以  
乞人裝過訪予山中詳念尼子一謀所以就予者  
予曰萬一不能出當置此身何地耶後纔念尼曾  
以此言詰問念尼亦悔無追子一此段心事予知  
之而不能明言之故不敢入吾甲申大難錄然不  
能不感流綺之爲此言也因記於此

初八日

宏光遺事 稿另存

十一日

隆武遺事 稿另存

十三日

永歷遺事 稿另存

十五日

李異幹攜家至夏峰 十一年來憶李郎五公三箭

興飛揚何期壯志成搖落月下相看欲斷腸 漫

嗟李廣不封侯亞子豈非天所留作室未成誰肯

構徹桑綢戶蚤爲壽

十八日

作甲申大難錄二編序 入茂寒二集

二十二日

讀明季小說跋後 甚矣中與固難言即偏安亦天

易也以宏光之狃習而佐以馬阮之姦邪百可法

何能爲若八閩兩粵餉匱兵革輻輳迫促益難自

立而芝龍之悍罔王坤之傾媚與馬阮一間耳張

國維瞿式耜亦惡能揮撥日之戈砥東流之柱哉

求如晉元帝宋高宗偏安江左難矣況望光復舊

物日月中天難之難矣人有言小人有小人之才  
馭之有道亦足以集事不能馭祇足以亂天下而  
已殆明季之謂與人事之不臧見天數之有定總  
一莫之爲而爲莫之致而至者也愚又有說焉宋  
室之亡也亡於帝昺覆舟之日永厯遁舟山舟山  
雖存而亡亡而存永厯則仍自在也桐江一線繫  
漢九鼎當此之際不能不令人思王坤耳使非坤  
多方促永厯之避徙其不爲隆武之續者幾希李  
明唐之說不能得之於思宗而王坤乃能行之於  
永厯則存永厯者坤也非謂有式耜之議遂可無

坤之議未可以愾壬而聚棄之

二十四日

大臣當國須有一段沉深博大之氣不止容君子并能容小人不止容小人并能化小人爲君子纔是聖賢心腸豪傑作用輕分門戶先橫已見奔小人應得之物予小人難堪之名無怪乎彼之無復顧忌而恣其反噬之毒也仁人君子有教養之責者俱宜念之

二十七日

李過廬見訪過廬大父愚公與愷陽伯順爲友因問

予過廬修前好

楊莪嵩枉顧惠儀辭之

二十八日

東王蓼航 過廬傳按君見訪弟萬無坐待之理但  
以望曠廢人晉謁當事又懼失禮於已得罪於人  
先生幸婉爲之辭弟刻下卽出城矣

六月

初一日

李君煥枉顧惠儀辭之

報趙令君 承示桑老公祖以纂修通志見託者以

治弟爲有學有識之人故相屬以不朽之事甚盛  
意也但治弟闇昧空疎於此事既非其長兼之弊  
賸衰遲心思散亂曷敢冒昧以承桑老公祖持世  
之心經世之力正是此道宗盟治弟執鞭有心佐  
籌無力自諒此非誑語也幸老父母婉爲之辭古  
人薄感恩而重知己今日桑老公祖下詢之誼治  
弟自知甚明非甘自外也敢佈腹心預告左右

初二日

談長益客藩使李過廬署中兩寓詩期過蘇門賦此  
寄懷 一水不能渡十年懶負君北風衰短髮南



雁念孤群暮氣愁難鼓  
新詩喜再聞  
羣懷遙望是  
山口正停雲  
君懷非近俗  
古道劍光寒  
每說看  
山勇因知取  
友端詩從多  
難老夢向去  
家安烟水  
窺人事源泉  
理釣竿

初三日

寄王生洲  
譽之北歸奉有手教後又得介公寄來  
字具悉旅中眠食清勝昔人敘列五思有忠而過  
者老親翁之謂歟  
山中每憶吾兩人  
相別念餘年  
相隔七千里  
七十餘歲兩老人  
尙堪此幾別乎南  
翔雁杳繫帛未能天  
假之絳忽艾石宋公以公發

抵蘇門握手相歡語及龜山先生集。艾石謂與  
老親翁素在莫逆言之。歷歷弟云親翁展墓有懷  
歸裝無力。艾老慨然力任此段高誼。古人中不多  
見也。荆璞之緣未遂。天正留以待艾石耳。弟耄矣  
聾瞶蹢躅日甚。一日獨嗜學一念不敢不勉。向有  
經數種同志者欲陸續灾木弟懼其無當也。艾老  
行過邸中作字前爲詩二章亦不及錄去。在家在  
外孫曾輩俱壯孝經著。並望寄示弟近爲四書  
近指一編與毛念特四書想頗有合焉。聞此兄復  
有書經想不知可得讀否。

初九日

甲申大難錄二編成有感 四朝培養腐儒身依舊  
饕餮逐世塵輯得此編明士氣高皇遺澤屹然新  
諸君何事死爭先一夕分明勝百年屠販乞兒  
知大義由來節烈野人編 謾訝穹蒼無主張廢  
興維恃此綱常禹疆莫後誰長守一代忠魂百代  
香 雖云競勝是良謀萬里驚心天際頭帝昀未  
亡仍寄宋誰憐海外有孤舟

十三日

爲重訂四書說約序 予友鹿子說約久已梓行其

旨蓋取子與氏博學詳說將以反約之意夫博與  
約非二也博原自約出非約不能博約原自博具  
非博不能約是義也孔子固嘗言之顏子亦身承  
之故曾子之修齊治平一本於誠意子思子中和  
位有一歸於慎獨迄至堯放勳舜重華禹平成博  
矣而一契授受執中而已矣不獨帝王四時行百  
物生博莫博於天矣而經天之命於穆不已萬古  
此行生也萬古此於穆也一越其宗即爲畔道即  
諸儒繼起各以所見爲發明如周之無欲程之主  
敬朱之窮理陸之本心王之良知皆從浩博中體

認精微所謂殊途而同歸百慮而一致正此說約  
之旨耳今王子天錫復刻此編於楚意謂伯順之  
說得之陽明最深而說最相合符予謂由陽明而  
于靜而周程張朱豈有不符者哉由孔子而堯天  
地質鬼神考三王俟後聖亦豈有不符者哉總之  
本諸身者是則言無不合言合而本諸身者非即  
合亦離也切願學者因伯順之說而觀伯順之行  
予自丁酉交伯順至丙子殉義之年蓋四十載深  
知其爲渾成虧齊得喪一死生之人故其所說皆  
躬之所行未可以言証文字觀也伯順生平極服

唐朱子晚年定論謂王子爲朱子功臣又何有朱  
陸之異而約之不合一哉

十四日

雨後友人惠新茶兼以二詩見懷酬之 豈敢言違  
俗素居恐近名氛塵知己少書札異人情連雨添  
山氣先秋想雁聲竹根吟不穩群動正縱橫 又  
復將秋至山川老此身迂踈人事廢衰病藥苗親  
雪乳歎還澹沼泉酌尙醺  
公先以沼酒見遺 閉門懷古誼  
何以謝宵晨

十五日

王春之擢蒲令 四載馳驅夢拜身多君風骨尚嶮  
峒漫嗟當路乏知己且喜清評不誤人官有崇卑  
惟事道品無懸晦總歸真治蒲仲氏稱明決異地  
千秋應結鄰

十六日

將遊西山 久矣登臨倦復然發興新計程未百里  
不速已三人鹿石堪爲伴溪雲遙與親乾坤仍寥  
落何事嘆沈淪

十七日

寄懷呂崑峯 許我重來過草堂  
薜蘿黃菊暗生香

論交別有襟期在君到蘇門亦故鄉  
衰病何堪  
甯一方吟詩漸減老夫狂  
羈懷鄉夢都無賴秋色  
連雲接太行

二十日

簡楊義嵩 老至躬耕衛水涯  
纏系君復惜年華  
山川獨放達官舫鷄黍重尋野客家  
竹隱銓簾閒鳥  
雀塵飛談笑帶烟霞  
窮廬近識身多累得借桐陰  
晚種瓜

二十三日

報輝令 恭承撫臺老公祖惠已及門  
既無坐受於



家之體而病未脫體又不能展叩階求見之忱坐  
是躊躇益深跼蹐所委通志事未見來文無所據  
以爲辭敬拜還花幣惟老父母婉爲致之不次

二十四日

簡王夢航 撫軍王輝儼然花幣辱臨以纂修通志  
相屬其意甚善弟衰朽既不能應其聘不可不一  
在見以答其誼無奈連日病轉甚前之不能見按  
君時猶無病今病矣茲輟於見撫君先生定當相  
會倘語次及之望爲弟婉辭暨不能起謁之狀懇  
懇不盡

二十五日

客有謂今日之通志他日之信史所關匪細先生何辭之堅也予曰論事易而任事難此事非才識胆兼備者不能勝也薛方山一代儒者自令慈谿卽有志浙省通志歷十年七牘稿猶得同人贊助事甫竣還甌遺且濫之懼僕識闇才短胆薄旣乏任事之具況年逼八旬思慮昏眊盲昧承任事必苟且此何等事也而可以苟且塞責情面難破好惡易徇一爲清議所短必招鬼神之罰凜乎可懼予固熟籌之矣

二十六日

隱士一則

見靜修集

金元間有李俊民者澤州人以

明經爲舉首至元朝累被徵不起賜號莊靜先生

蓋有道之士也甲戌之秋南北分裂莊靜避地河

南隱約自處澤州長官段直迎而師之澤俗丕變

二十八日

與李允繩訂說約

卷拔說約味逾新光氣千年不

落塵指點有靈非筆墨濟川從此問行津

當年

揮塵與翩翩北海亭中草木仙謠語法言堪抵掌

一方蒙昧借開天

二十九日

訂靜修集 先生何處不春風 尊道原於行道同 先生

與許平仲約 遺文數卷今猶在 元氣流行筆墨中

屈指集成僅百年 點畫銷落有難詮 幾迴欲訂  
重鈐約愧我昏庸見未全

三十日

自省 日用尋常慣作忙 始於正助漸成忘 未詳好

向鷄鳴起克念還疑罔念狂 抱慙清夜許誰知

怪道人入敢自欺 未慊幽微忽得譽 聲聞仗集貺

何辭

節婦李母贈言 李母張太君保定之清苑人適本

縣儒士李公諱世珍十九歲而孀四十餘年苦節

人無間言沒二十年而旌命始及之仲子鄧承行

可痛母節未彰屈官居身倍極謹慎迄母節彰而

旌先朝露矣其孫成才一膺慶大母之節有成又

悲其父之鬱瘁不及聞且見求數言以志哀慕子

既託湛虛先生侍御生湖立傳役深慕太君之節

郡丞之孝又感幾才一念孺慕之忱俾知今日之

所以承其慶者乃先世之所以種其德也俾揭之

堂中知天不負苦節而並昌其後云

七月

初一日

報白孝廉

步瀛

足下英名自左忠毅建祠時已心識

之繼而南北同人青梅煮酒莫不爭推盟長暨小

兒都門歸佩足下之肝腸氣誼近今未有再辱手

教而眉宇神情宛宛在目中矣古人從千載下得

見千載以上人其聲味之合自別有在僕生長北

方爲儒而腐十餘年來舉從前矜名砥節之念


銷歸於流離患難之中今耄矣苟偷視息於蘇門

他何望他又何知手教致慨於顧高劉黃而後正

人之壇坫既湮斯道之日星久晦每誦斯言深感  
 提誨夫世無真儒則無事功無節義世而至於無  
 事功無節義也尚可言乎足下大力深心飲姜劉  
 之藥便能採姜劉之微勦楊左之餘便能吐楊左  
 之氣孰知姦凶一時汚鱗之言翻爲正人千秋頌  
 德之案哉札中深嗟姚許之不遇皆不免於尊官  
 此又未嘗論其世也軍懷天雄之地久隸金元姚  
 許世世爲金元踐土食茅之臣子其爲尊官也方  
 可以行道救民奈何以此而苛求之吾鄉劉靜修  
 人亦以此督過憶冤矣冤矣世有今古中外道無

今古中外肯哉斯言清彼願外之想密我反身之  
求斯之謂居易斯之謂正已斯之謂自得斯之謂  
行素一有標舉便是的然此中消息何時得抵掌  
一盡言之羅生尤之兩道丈暨正直忠厚諸世兄  
久未相聞便示近況以慰夙懷

初二日

送朱石者備兵岢嵐 莫惜并州路新秋有雁聲山  
花迎去馬土鼓過邊城沿循從前富情裏向後生  
依依旌旆遠慷慨望君行 青緇先世業白壁古  
人心騷雅遙相訂山川許共尋  鶴性風俗



■棠陰鄭重臨岐意行雲接晉岑

初三日

答沈無謀 海內故人零落殆盡固未嘗不日日憶  
休文也亦知休文善病然善病如休文不遠勝於  
不病者耶當世之清才韻士必首推年翁弟遊豫  
十載罕見其僞間有之而相隔或數千里相晤或  
五七年良友之緣天若斬之每念此益未嘗不日  
日憶休文也弟螻蛄久成廢人思古人不學便老  
而衰輯有十餘種非敢言著述聊以娛暮景寄閒  
情耳空囊乏力繕寫故不能就正有道近亦有小

刻數帙案頭亦不能多卽簡得一冊豈近詩數首  
請教一節見全體年翁應笑爲儒之伎倆卽二十  
年前故吾也眷之得此少讀讀書之意然數年清  
苦弟實敬之但愛莫爲助耳手字到喜劇草此不  
莊

初四日

客問君子有終身之憂爲拈此語 一憂何事到終  
身此語極圓莫認真省得憂時方得樂兩情總是  
一般春

初六日

記靜修四書精要大旨 先生沒五十有六年集賢  
學士蘇天爵表其墓云先生師道尊嚴學子造門  
隨其材品而教焉講說諸經理學四書聽者心領  
神會初朱子之於四書凡諸人問答與四書有異  
同者不及訂歸於一而卒或者輟爲四書集義數  
萬言先生病其太繁擇爲精要三十卷簡嚴粹精  
要於集註有所發明向來不知此經大旨於謬何  
如余讀是表面識之

新移玉簪 質素香清不受侵移來觸目嫩幽襟旋  
看生意眉眉發好認乾坤化育心 問君何處識

天心天向吾家肺肺翬車草花花通性分眼前無  
物不斯文

初七日

李允繩自成安來予移一茅以居之七夕忽得奇疾  
予往視幸已霍然口占志喜 弱冠論交老益親  
只今君是傳經人江村承鉢推宗派蘇嶺素居託  
比鄰

七夕 耕織何爲有象垂帝王經世與天宜無端幻  
出文人口棟滿人間七夕詩 七夕從來傳乞巧  
豈知當世尚誰愚老夫持論雖迂濶任爾時人笑

腐儒

初八日

復僧隱郭中丞

公諱都賢楚長沙人壬戌進士官至  
巡撫託跡緇流著述甚富號爲此庵

和聞先生之名在廿年之前仰先生之行在五年

之內因邇來藉有甲申大難群一編屈指海內英

烈同人不能不推些菴大師爲碩果俟燕南鄙人

幼而有志長無所成今耄矣偷覩息於蘇門之側

世事已無關心獨於親師取友之事性之所樂近

於竹沼字中託致聲問不謂先生不我鄙夷手疏

先及珠幾種種向止聞先生名仰先生行今見光

生之心矣僕嘗聞人所以立於世者非有所建豎  
則有所捐捨而已苟能乘時取便即庸人亦能捐  
捨者至於生平愛戀之處不惜以身名殉之而不  
能割然則獨毅然捐捨者乃真英雄也先生功業  
文章已置身外乃并聲華氣節銷銘殆盡即僕之  
以英雄名大師者亦非面目也然而儒者之聖釋  
氏之佛同一積累乃詣至極當其教成德立謂之  
佛與聖若其立志精進之日皆英雄也不立見捐  
捨力豈能爲英雄不豫植英雄根又豈能爲聖與  
佛乎迂儒之語不識可當龜壇中一棒喝否僕學

不名家未敢方立言之業舊刻篋中已無存者近梓四種腐僞伎倆即此可見律一道門外人更不敢質之風雅主也唯笑而裁正之先生方外之身世緣已脫百泉咫尺大河可容飛錫一渡乎且密邇太行之麓虬松怪石漢魏猶在尚可同衆生一開示耳遙望停雲可勝延佇

初九日

復崔竹湄 天地間止有人負官斷無官負人之理吾丈此轉僕私心喜之蓋此時官於內何如官於外官於外之要何如官於外之間鬼神惱足下數

年勞瘁暫以此休息需大用乃奮發而自作  
耶願打起精神勉堅偉績勿自取阻

初十日

題訓燕錄後 十年漂泊絕未聞有學之事學之人  
忽林氏兄弟寄我訓燕錄一冊乃廣文劉君餘清  
與蕪士講學語也上論三章學庸首章三腦既徹  
數陳復暢溯其淵源其大父蘆村公從學龍谿派  
衍姚江君於此道聞之過庭者素矣故勉  
然 自任而化滴俗美已見一斑因嘆道  
喪學荒之日乃有立必爲聖人之志如劉君者真



空谷之音也或曰道之不行也我知之矣草廬尚  
有三分恨只合終身作逸民予曰是非爾所知也  
世有古今中外道無古今中外此學明得一分便  
是此道行得一分予嘗謂爲靜修易爲吳許難方  
恨不能得如劉君者數十輩布列學宮則先師庶  
不至黯然無色耳月川之後是在劉君因爲一絕  
君是姚江一派人源源本本認來真萬川月落  
川川月一隅光生大地春

十一日

語諸子、乾坤許大不敢謂無人然人實未易得也

連得兩士快何如之廣文談學自是職分之所得  
爲中丞歸輝時勢相迫此身難於安頓鬱鬱結  
語人各有攸宜不言苛論若但執一格以律  
人則不中程者多矣取詩取文亦然患無定見又  
患有執見耳堂上之身與堂下之身自是天淵

十二日

晤張虎別憲聞策杖垂杖與何繼得接君坐深情  
愿落意密語續紛股絜蘇門片吐吞行篋雲初逢  
思後約志欲起斯文

十三日

送李過廬之任嘉湖 束髮知求友乾坤眼不孤人

亡慙寄劍馬老畏經途蘋藻江村月公之祖若父與喪忠節交

子交善 風烟蘇嶺墟低徊先正語傳自過庭呼

落拓合衰暮高軒枉草居到門狎野性入坐數庭

除時予子若孫皆侍側元氣冷群動閒心賦遂初十年猿鶴

夢相對幾躊躇 見君曰未久已見古人心笑語

秋天澗旌旄汀路深童語依竹馬老夢驚人琴謂

忠貞與遙想孤帆處蛩音伴暮砧

十四日

爭秋 暑炎未盡欲爭秋望斷蒼茫一葉舟天爲龍

與雲出岫人思月上夜登樓

十五日

是日風俗家家於先人墓上蔭麻穀 俗名蔭穀意  
如何時物欣成感慕多雨露春秋思一薦乾坤此  
際醞中和 君親意薄便非仁虞帝終身一慕真  
只將此念拓將去古人應不越今人

十六日

述聞 寂寞銷沈十二年忽傳一夕起雲烟風流江  
左依然舊又恐偷安蹈往愆 海上孤帆何處存  
令人翹首憶劉琨紀元三次三年內一線桐江九

鼎論

十七日

讀僧隱詩熱腸欲焚爲三絕志嚙亦志快也 禪心  
何事又粘泥出世還疑用世時歸墨歸楊不叛孔  
尼山筋骨雪山皮 些庵和尚愛吟詩悲憤一腔  
天地知海水難陶心底熱風流骭臂是情痴 興  
酣耳熱一悲歌瓶杖擬追捩日戈鐔鞋策動惟道  
衍禿翁慧劍幾重磨

十八日

月至秋倍覺皎潔連日晴霽爲二絕 一年好景是

中秋未到中秋興已悠無意倡從無意著盈虧相  
禪默相留 秋聲連夕自天南入耳風傳情便愁  
釀得新結邀客座前期三日敘期三

十九日

女史一則 予於女史中最心折王孫仲之妻老萊  
之婦兩巾幘真所謂樂而大丈夫者也

其言以爲師範孺仲妻之言曰若少修清節不  
願榮祿今子伯之貴孰與君之高君躬勤苦子安  
得不耕以養既耕安得不黃頭戽齒奈何忘宿志  
而慙兒女子乎老萊子婦曰妾聞之可食以酒肉

者可隨以鞭撻可授以官祿者可隨以鈇鉞今先生食人之酒肉受人之官祿此皆人之所制也居亂世而爲人所制能免於患乎霸崛起而笑老萊子遂避江南受兩婦人之贊助多矣

二十日

復邑令 蕭履鐵

鄉中人來傳長曾孫樸質少文似農家子予曰居亂世以耕鑿爲業黃頭歷世正自相宜咸王孺仲賢妻之言敗絮自擁敢忘夙志而驚見女子哉當移字褒之勿失赤子之心以志吾喜

三十一日

士未以清節著稱猶可隨俗俛仰

策勲一

事至素行皎然者斷不可動於榮祿偷取一時如

漢之唐林唐尊俱以潔履著名於成帝之世號爲

二唐比楚二龔

龔勝龔舍  
見漢書

後皆仕莽前修云何左

思曰二唐潔已乃黠乃汚豈獨莽能汚人哉士君

子不可不嚴自律也

從古大姦姦初皆大英雄也不有英雄之概何能作

姦雄之事窺其始念未必遽欲作姦積漸而往勢

利薰灼不能自主總緣不學問晚氣用事見目前



無可嚴畏敬事之人不復顧忌問念而狂遂達而  
下奔操溫懿豈尋常人哉遇有爲之三俱成名世  
矣

二十二日

寄懷馬玉荀四章 春草七年夢秋風千里音力衰

艱策材主遠阻披襟有願歸山計公以養母請假多端懷

友心飛鶴天外聽懸懸送寒砧 轍跡深門外高

林指夏峰

公以夏峰田廬遺予

興公愈假宅梁子不聞春薄

德辱賢達無才學老農鷄埘童稚喜思欲薦亨容

浮家昔愛水卜築近兼山

兼山夏峰室名

得遂龐公老

深懸鮑叔顏貧知爲友果老不悔善刪更有思君

處鷄聲雁影間

尙憶荀陳聚二難

王留長子

九錫仲子載錫二人皆從予受學

鳴皋鶴有子開徑竹生孫此地

遊蹤少他年世譜存論文吹短髮淺醉臥雲根

二十三日

晉紀魏文帝四友其一曰司馬仲達一曰陳長文其

二人朱餗吳質未悉其行事如仲達長文者真魏

友友也類聚羣分正各有興味耳因思古今人濟

事或英雄或姦雄未有不須友而成者閉門作自

了漢使不可與爲此言

二十五日

哭劉自榆一絕 羨君出治與居身七十年來守一真前暑後歇都不管依然三代以前人

二十六日

賈靜子宋收仲各惠刻數種相質兼訂過訪之約  
二仲高明邇絕群讀書萬卷破重雲腐儒何事勞  
相質所見方知非所聞

二十七日

復張司空 客秋先生北上今桐花又老矣弟草野  
愚賤不敢以尺書入長安守拙安卑正以戴德承

白魏裴三先生曉念野人若以某爲可與言者然  
迂腐已不可移蠶牘因而愈甚反躬自顧何以當  
諸大賢之注存乎弟私謂當今之世若吳許姚賈  
皆布列朝端而山右更多君子東谷先生曩曾於  
■旬處見手札問及某之姓名今又以詩見懷■  
■餘宛侍羹墻環溪先生昨輝令口致存問近  
於■嘗讀其詩可想見其人也至採及腐言尤  
深愧汗統惟向三先生叱名而致稽遲之誠雖皆  
匪種種未嘗廢輟策也

二十九日

讀詩正一則 賈朱二子詩正之選其於斯道也亦  
深矣哉余不知詩竊欲有忠於二子者詩以人傳  
選詩須選選人庶千載下讀者可因 **見**  
其人二子始不專以詩著名後世也雖曰詩之傳  
以詩非以人然人與詩俱傳不益善于世衰道喪  
儒術頽廢詩與文何處非學二子銳意興起據所  
惠諸刻津津平有火然泉達之機況其鄉先哲新  
吾先生儀型不遠提命猶新則由鄉國而天下而  
千古夫豈有隔焉此予之所望於二子也或亦二  
子之志也惠刻相質意在斯乎

八月

初一日

大時 一夜大聲惡鳥來入耳根猶嫌聾未甚沸談  
滿乾坤 睹聞入夜寂喧寂何由分喧處不知喧  
雖聞總不聞

初二日

語韓仁社諸子 從古帝王將相或帝紀或世家俱  
各有述 明太祖紀不知出誰氏之手未得確證  
故於兩大案中尙缺焉未備按故實而詳畧布之  
自成一家言是亦儒者尙論之意何莫非古人求

志中所當商畧者哉兩案中王侯將相未備者尚  
多互爲討論溫故知新窮居之樂以在於此余幸  
與不致廢學故深望諸子研究講習以匡予之不  
逮

初四日

蒲令王春之過夏峰言別余曰君廉慎人也慎於已  
者必廉於取廉則生威而人不敢犯廉則生明而  
人不敢欺晉多君子清議甚嚴愛民好士打起精  
神爲地方造福便是爲自己造福君家武城里人  
也學道愛人拭目望之矣

初五日

一友侈言天文鑒鑒可據生有問之者曰此吾茫之  
術幻妄之談耳即地利誠有之然帝王在德不在  
險余曰在德不在險鑒之矣謂天文幻沓此不知  
天文者也孟子不如地利非謂其無天時也從古  
豪傑應運而興必先據地利方可有爲其應運也  
則天時湊合於其中矣所謂豪傑即人和也非人  
和即金陵長安豈能長據哉天時之湊合固有由  
而不知者亦有知而始由者史冊中不能盡舉我  
輩不可以已之識量而輕測天下人天人理數合



并於一身乃所謂聖賢而豪傑者也

初六日

輝陽自林慮訪予夏峰口占一律以志眷懷且令三子各賦詩 與君同梓里客舍復遙鄰肆老余多病藏山君亦貧盤餐無勝味言笑總先民切莫輕言別秋懷詩興新 禾黍登場日偏宜薦客觴洛陽哭已往蘇嶺嘯逾狂日以秋增潤雲因晚積長奇情酬勝日不負馬蹄忙

初七日

論人一則 與輝陽對月偶及吾郡城親友六十年

來相與之人有立節行而維名教者有存忠厚而  
留元氣者追惟往昔者焉在念陳冲然承許紫垣  
爾顯重名行篤友誼賈銜怙何孝友刑家人推長  
者張元美羅俊節義男子早於髫髻之好合卜其  
大端矣金鶴冲毓峒張率吾邦政范篤一泉皆質  
樸不事表襮於以維名教而存元氣七人者皆無  
愧吾郡中人固不止此偶及此者予兩人之見偶  
有相合者也因識之以質公論

初八日

讀岳鄂王傳 撤山易撼岳家軍難總見將和士銳

人懷忠孝帥之訓養節制非知仁信勇嚴五者兼備未易語此鄂王自是古來名將第一愚竊欲有忠於王者當檜王和詔詣都督府議事浚與王驥相得也用王德呂祉而王不可用張宣撫而王不可用楊沂中而王不可其其辭甚倨浚之輒然曰固知非太尉不可亦一時不能降之客氣遠遜於休休有容之大臣而王之即日上章乞解兵柄步歸廬母墓側帝果詔起還職力辭詔尋屬造廬以死請方應朝當是時也浚既無顏而後等唧恨入時帝心亦豈無芥蒂於其間哉檜等之狡謀乘隙

施毒傾陷忠良復何顧忌功業一時浪擲千古此  
不足爲王谷而聖賢豪傑處此還當更進一步學  
問請以質之論世君子

初九日

客有談二氏學者賦此答之 心中無一事到處自  
生春峰月甯怡我溪雲堪賤人無庸談佛注不必  
問元津操術由來腐乾坤老病身

初十日

懷馬王二子 東海西山入隱深蘇門有約可並尋  
就荒碑徑羊裘遠一夕秋風千里心

十二日

交道我微吾黨士殷申二子有古人風固爲此句

堪嗟友誼久淩遲管鮑依然千古師二士襟期能  
副響此中有樂鮮人知

十三日

讀靖節傳題後 史稱淵明詩與文義熙以前書晉

氏年號義熙以後但書甲子細考之於晉年號或  
書或不書亦無定式而宋永初以來年號則絕無  
一書者矣明人以千載後時爲可恥矣高舉遠蹈  
不受世務而躬耕乞食託寄詩酒忠義嶮惡吾不

能不服膺此老先生在晉名淵明字元亮入宋更名潛而仍其舊字靖節二字顏延之取諡法寬樂令終曰靖好廉自克曰節

十四日

薦馨與同人訪禪因遺此句

游



謝晚入禪程

門宗派亦紛然欲知儒釋分闕處釋教本心悟本

天

本心本天明  
道先生語

十五日

讀漢高帝紀

三代以前帝王之事功聖賢之學行

合併於一身三代以後事求有濟不必問學矣史

稱漢高寬仁愛人意豁如也二語最善狀漢高此  
所以得天下爲千古英雄之冠至於  
可傳信者蓋漢高以馬上得天下不喜儒術而良  
平諸人又不能以誠敬開導其君東坡謂仁義詐  
力雜用以取天下此孔明之所以失也予謂良平  
殆有甚焉者矣朱紫陽曰漢高紀贊朝以十月黃  
屋左纛譏其不用夏時商輅也遷之意誠恐是如  
此但若使漢高真能行夏時乘殷輅亦只是漢高  
終不可謂之禹湯

已亥中秋清霽倍於往歲同人嘯歌老夫亦忘倦也

口占爲二三子唱之以紀其勝 夜深月更皎風  
靜自無塵日月仍依舊升恒益覺新杯寬長句集  
意密嘯歌頻好景元今夕相關樂事真

十六日

中秋兼山堂同人飲月二三子分韻爲律予各有絕  
爲愛蘇山靜忘機野鳥同天心明月上瑩徹入  
杯中 月以秋容皎心因癖處幽問君終歲事好  
景是中秋 怕作驚人語詩成信口拈悲涼千古  
事幽意一時兼 消長幾微見山人原不頹元黃  
猶戰野清夢遠兼山 少長集今夕秣登堪舉觴



言  
嘯歌忘物累四海亦同堂  
人生多護惜意識幾  
能空不有途爭異安知道自同  
爾汝分形後何  
從認此身均遊覆載內  
野見同人  
尙餘多難  
身世事未全審東壁有胡牀欲追河朔飲  
十年  
違故鄉河北恣飛越秋色滿中原天心瀉明月

十七日

或問楚霸王力拔山兮氣蓋世亦千古之英雄也哉  
以方漢之雲長何如曰是未可以同日論也陳勝  
起會稽守殷通素賢梁使藉受令召桓楚籍遂  
斬守持守頭佩其印綬籍所擊殺數十百人收其

軍起事至弑廢王殺宋義坑降卒降將所過焚燒  
屠戮殘忍之極只是不知信義二字爲何物雲長  
生平大節全於信義二字相貫貫固一盟夷險君  
臣始終無二史稱報効曹公又見信義之篤信義  
足色便是至誠藉也勇而無禮取禍一時貽譏千  
古烏可同日論也

十八日

有兩人於此一患貧一患盜予曰患盜者生在不貧  
也貧矣何盜之患耶嘗讀史而深有意於張齊賢  
齊賢孤貧落魄時群盜攻劫聚飲逆旅居人惶恐

鼠匿賢獨前揖曰賤子貧困欲就一飽盜曰秀才肯相屈耶咱以酒肉遺以金帛賢皆受不讓只此一段側儻胸襟便可籠罩天下何事不可爲我輩患不能爲齊賢耳何貧與盜之足患

十九日

王猛評 或謂王猛智略際遇皆類武侯臨終之言猶爲耿耿獨怪當時吳興師說不從溫而南爲可惜也予曰士爲知己用孔明不遇玄德卽欲強爲之用不得魚水之歡玄德固已傾心而關張之不卒益基武思猛謁溫時對談之際果有魚水之澤

桓青令猛之中止咫尺長安不渡灊水百姓未知  
公心猛蓋有以窺桓之微矣桓之默然無以辭也  
徐曰江東無卿此情事可知猛咨師師曰卿與桓  
溫豈並世哉此言殊可味

荀彧評 議者於荀文若甚切詆毀未諒其苦心予  
細詳其始末初以爲操有雄略而從之凡畫策料  
敵無不奇中其勸操迎帝以晉文納周襄爲言奉  
上以從民望大順也秉圭公以服雄傑大義也扶  
宏義以致英俊大德也天下雖有逆節必不能爲  
累明矣又因操怒紹書言辭悖慢而勉以四勝輔

天子扶義征伐其倦倦於漢也固或之設心若是  
即久而知操之心非我之心其設心未嘗不欲因  
事納忠化小人爲君子迨至終不可化對董昭謂  
操本興義兵以匡朝甯國秉忠貞之誠守謙退之  
實君子愛人以德不宜如此大義凜然伯鯨操之  
萬一顧念而悔禍也飲藥而死自可以告無罪於  
先王必欲苛求與操同罪不獨令或含冤亦豈平  
心論事論人之道哉居諸篇可稱嘆之知已

郭嘉評 郭嘉論袁紹徒欲效周公之下士而未知  
用人之機多端要奸謀無決欲與其濟天下難

矣其料孫策也曰策新並江東所誅皆雄豪將帥  
能得人死力者也然策輕而無備雖有百萬之衆  
無異獨行其知人也可稱哲矣劉備奔操或謂之  
曰備有雄志今不早圖後必爲患操以問嘉嘉曰  
有是然公起義兵爲百姓除暴推誠仗信以招俊  
傑猶懼其未也今備以窮歸我而害之是以害賢  
爲名則智士將自疑回心擇主公誰與定天下乎  
此便見英雄度量范增於漢高王猛於慕容垂濟  
得其事祇成其刻薄如忌而昧於天道矣嘉亦人  
傑也哉陳同父謂成魏武之霸業者豈嘉之謀爲

多而曹公尤痛惜嘉之死也

魯肅評 肅指困授周郎氣何豪也勸權勿迎操早  
定大計識何定也借備荊州同力拒曹正與亮東  
和孫權北敵曹操志趣同符及備負約肅謂今日  
之事宜相開譬就別詰責之言謂不能明道處分  
以義輔時義何正而詞何嚴也肅之識量胆畧三  
國時傑出男子其卒也亮亦爲發喪二人可稱知  
已

周瑜評 赤壁一戰一時勳業千古盛名瑜亦風流  
人豪也哉當時取重於江東者惟瑜與肅瑜英發

肅長厚長厚故勸權結好元德同力禦曹真發故  
勸權早除元德先絕後患識度不同所見各異總  
之天之所興人不得廢在吳而異容之在魏而魏  
容之雖由肅與嘉之言而權與操之  
是豈人之所能爲也哉莫之爲而爲者命也

龐統評 稿殘缺

二十一日

陳平評 稿殘缺

二十二日

寇恂評 稿殘缺



鄧禹評 稿殘缺

耿弇評 稿殘缺

馮異評 稿殘缺

馬援評 稿殘缺

二十三日

諸葛亮評 稿殘缺

法正評 稿殘缺

昭烈評 稿殘缺

二十四日

曹操評 愚謂論人於清議太明之後則某也賢某

以姦即曲士小儒莫不知之至魏武當年身前行  
事吾不知其定評何如也赤壁之役元德一廢宗  
耳仲謀一土司耳魏武以漢相挾天子命討不臣  
豈非皆在曹而孫劉乃置身於無過之地耶漢賊  
不兩立非孔明出處之正鞠躬盡瘁死而後已誰  
能爲此言而天下後世亦誰信之桓靈無道魏武  
猶藉漢以令天下法令不必盡酌之古要以必行  
豈非高光之遺澤猶有存者耶所謂無高光之德  
而有高光之才者也何可少哉

孫權評 江東霸業始於堅大於策諸葛亮稱劉繇

王朗各據州郡論安言計動引聖人群疑滿腹衆  
難塞冒今歲不戰明年不征使孫策坐大遂并江  
東及槩役事策謂舉江東之衆決機於兩陣之間  
卿不如我舉賢任能各盡其心以保江東我不如  
卿策可謂知言初權不直魏武破之赤壁雄畧著  
矣後操攻權濡須口舟船器械軍伍整肅操嘆曰  
生子當如孫仲謀末年上書稱說天命甘心稱臣  
何爲者耶固宜中郎將徐盛之涕泣橫流也然跡  
其父子兄弟之間畫江之慮精矣豈有中國之主志  
哉

蕭何評何守閭中漢高得以安定天下厥功偉矣  
三章之約與天下更始禁錮疎濶使當時苦秦虐  
之人一旦有在人之樂不可謂非君臣遇合之盛  
也蓋自漢高爲布衣時何數以吏事護之英雄草  
莽中已際鸞龍風虎之會何之肺肝何之才智漢  
高固已早定之矣謂必待鮑生召平之見王衛尉  
之言而始免於禍者初魯一時揣度之論也視何  
太淺未免視漢高太深視何太樸未免視漢高太  
詎何自有何之識力莫過此真

曹參評參之相漢用蓋公清靜無爲之說齊國安

集是猶也烈熾之中沃以清冷可謂識時矣然事  
有不可不爲者豈何之制法盡美絕無襲秦之陋  
者乎就秦論秦而秦之能事止於此矣習黃老之  
術昧孔孟之學竟以酣飲廢事孤孝惠使其子諫  
之之意若曰藏身之術留侯外一人亦滑稽之雄  
也

張良評 子房爲高帝謀臣從容一發動中機會而  
嘗超然於事物之外此豈圯上兵法之所有哉子  
房一生作用著著在事外步步在人先其學問操  
放全在用人而大處在用清公故子房用漢非爲

漢用者也其所以能用漢者只是令漢高先敬重  
其人自不敢輕忽其言故同一言耳在他人則疑  
在子房則信不能使英王信其人而必取於其言  
則後矣何信輩爲漢用而漢得以制其死命漢爲  
子房用所以能翻軀千仞不受羈縻爲韓報仇一  
語蓋不欲以漢之功臣自待也高帝亦豈待以漢  
之功臣待之哉鍾伯敬曰爲韓報仇一語子房不  
自道出豈惟漢君臣不知卽馬遷亦不得而知也  
韓信評 登壇數語識時審勢楚漢勝敗之形燎然  
在其目中信之度越人遠矣解廣武君之縛東鄉

坐西嚮對師事之尤人所難至勤劇通之說終不  
忍鄉利背義信不負漢高矣史稱陳豨辭信信屏  
左右與之步於庭仰天而嘆一段疑是悍后與忌  
信者文致殺信之言恐非信之本懷也一傳中奇  
計駢出信皆不聽信之不反也明矣信不反而仍  
以反誅千載下當自有人高其功誅其人而明其  
不反者悍后專殺無容逃罪而漢高亦何以辭於  
天下後世哉

二十五日

唐太宗評 稿殘缺

宋太祖評 稿殘缺

宗澤評 金人逼二帝北行澤即提軍趨滑走黎陽  
至大名欲遣還二帝氣何雄也康王即位四十日  
矣姦邪之臣朝進一言以告和暮入一說以乞盟  
終致二聖北遷宗社蒙恥澤以六十九歲請躬冒  
矢石爲諸將先意又何悲也恢復之事使澤得專  
意而獨行之儘有可爲惜爲潛害等所抑志不得  
伸疽發而死惜哉當時巨寇如王善者擁衆七十  
萬場進者衆亦二十萬皆樂爲之用樂爲之用而  
不得一用真堪痛哭嗟乎曰凡人有飛揚跋扈不



安孰職者此人皆有血氣不肯輕倪首以事人此  
即忠義根子所用之則爲剽盜一旦有宗岳其  
人需收而用之變以大義其効用必倍於恒人恒  
人者如水耳能就下避高而不能爲高下爲人高  
下者其在豪傑乎

二十六日

李綱語綱以一身用舍爲社稷生民安危雖身或  
不用用有不久而其忠誠義氣凜然動乎遠近真  
千古之偉男子也哉夫當死生存亡之際則君臣  
湊手將相皆必猶懼其難支乃與席儒之王全齋

保妻子之大臣決計留守君與大臣輩竟不能奪  
此之爲力亦屬孤注一擲黃等蛙借以保首領然恨  
已入骨其阻之使不得安其職也自如薰蕕之不  
同器者然豈待問哉至其建議畫策置招撫司於  
河北置經制司於河東西北足以控東南東南不  
足以制西北又曰保全一州收復一郡卽隨其高  
下以爲圖練此皆卓識宏畧不獨一時之計也

趙普評 稿殘缺

劉錡評 錡順昌之捷識膽勇略能以少擊衆岳飛  
之流也錡與飛皆以驍貴諸將多嫉之二人忠義

同智略同爲金人所畏憚同其所遭之譏問亦同  
而其諡武穆也亦同同朝共主並力禦敵錡以志  
恨嘔血卒飛以衆證生死宋事於是不可爲矣宋  
事之不可爲也豈果不可爲哉人自不肯爲又忌  
人之爲之者良可浩嘆

一十七日

曹彬評稿殘缺

王導評 王導勸帝親觀楔乘肩輿具威儀賓禮顧  
榮賀循輩此便是再造江左第一著俊傑歸命百  
姓自然嚮附豈待問哉士人於此見學術

劉琨評 稿殘缺

祖逖評 稿殘缺

二十八日

陶侃評 稿殘缺

溫嶠評 嶠處敦疑忌之時以智術獲免深識待小  
人之道爲琨石司馬而琨倚重焉推侃爲盟主而  
處分規略一出於嶠嶠有如此才具藏器待時自  
有建立之會著甚來由絕裾而遊自貽于秋之穢  
德耶令陶傳觀之嶠之才幹智術在侃之右然家  
庭無慙德則侃足多也史稱侃備威儀迎母官舍

後以母憂去職嘗有二客來弔不哭而退化爲雙  
鶴冲天而去時人異之此事甚幻見侃母子融洩  
在榮死哀之意視絕裾者母亡四亂不獲歸葬孝  
愆於家猥云忠於國也能無汗顏乎士先行誼而  
後事功請從此處著眼

二十九日

劉文靜評 稿殘缺

房元齡評 稿殘缺

尉遲敬德評 稿殘缺

二十日

杜如晦評 稿殘缺

李靖評 稿殘缺

目錄錄存卷之十一終